

**Broj: 06-03-532-03/33/17**  
**Mostar, 03.07.2017. godine**

Na osnovu člana 17., člana 22. stav (1), stav (3) i stav (4) i člana 23. stav (1) tačka d) Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“, broj 24/14 i 91/15), člana 8. stav (1), člana 32. stav (4) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“, broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“, broj 57/12, 71/14 i 31/16), člana 10. stav (2), člana 36. stav (1) tačka d), stav (4) i stav (6), te člana 37. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“, broj 15/16), postupajući po Zahtjevu za oduzimanje dozvole za rad (licence) broj 06-03-532/33/17 od 15.05.2017. godine, podnosioca zahtjeva „BRKIĆ PETROL“ d.o.o. Zenica, Blažuj bb, Zenica, u postupku privremenog oduzimanja Dozvole za rad (licenca) za trgovinu na veliko naftnim derivatima osim LPG-om broj 06-03-288/13/17 od 24.04.2017. godine, Regulatorna komisija za energiju u Federaciji Bosne i Hercegovine – FERK je 03.07.2017. godine na XII redovnoj sjednici donijela sljedeće

### **RJEŠENJE**

1. Imaocu dozvole „BRKIĆ PETROL“ d.o.o. Zenica, privremeno se oduzima Dozvola za rad (licenca) za trgovinu na veliko naftnim derivatima osim LPG-om broj 06-03-288/13/17 od 24.04.2017. godine izdata Rješenjem broj 06-03-288-04/13/17 od 24.04.2017. godine, na period od 03.07.2017. godine do 24.04.2018. godine, odnosno do početka obavljanja energetske djelatnosti.
2. Nalaže se imaocu dozvole „BRKIĆ PETROL“ d.o.o. Zenica da najkasnije do isteka roka iz tačke 1. ovog rješenja FERK-u dostavi obavještenje ukoliko namjerava nastaviti sa obavljanjem energetske djelatnosti, a u suprotnom FERK pokreće postupak trajnog oduzimanja dozvole za rad (licence).
3. Regulatorna naknada koju je imalac dozvole obavezan platiti za 2017. godinu utvrđena u tački 4. i 5. Rješenja broj 06-03-288-04/13/17 od 24.04.2017. godine obračunata je za period važenja dozvole u tekućoj godini, te ista iznosi 958,90 KM.
4. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

### **Obrazloženje**

Dana 15.05.2017. godine FERK je od podnosioca „BRKIĆ PETROL“ d.o.o. Zenica pod brojem 06-03-532/33/17 primio Zahtjev za oduzimanje dozvole za rad (licence), u postupku privremenog oduzimanja Dozvola za rad (licenca) za trgovinu na veliko naftnim derivatima osim LPG-om broj 06-03-288/13/17 od 24.04.2017. godine, radi neobavljanja odobrene energetske djelatnosti.

Članom 22. stav (1) Zakona o naftnim derivatima u Federaciji Bosne i Hercegovine propisano je da se licenca prije isteka njenog važenja može oduzeti privremeno ili trajno, te je stavom (2) istog člana propisano da se postupak za oduzimanje licence obavlja na isti način kao i postupak za davanje licence, dok je stavom (4) istog člana propisano da postupku trajnog oduzimanja licence prethodi postupak privremenog oduzimanja licence.

Takođe, članom 36. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisani su razlozi oduzimanja dozvole za rad - licence, te je stavom (1) tačka d) ovog člana propisano da će FERK istu oduzeti ukoliko imalac dozvole ne obavlja odobrenu energetske djelatnost, o čemu je bio dužan obavijestiti FERK. Članom 37. stav (1) ovog pravilnika propisano je da se postupak obnove, izmjene i dopune i oduzimanja

(privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), dok je stavom (2) istog člana propisano da ukoliko su u zahtjevu za pokretanje postupaka iz stava (1) ovoga člana navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti na način da se donese odluka bez pozivanja zainteresovanih lica na davanje pisanih komentara na nacrt dozvole kroz proces javne rasprave.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 25.05.2017. godine uputio Obavještenje o nedostacima podnesenog Zahtjeva za oduzimanje dozvole za rad (licence) pod brojem 06-03-532-01/33/17 i odredio mu rok od osam dana radi otklanjanja uočenih nedostataka navedenih u obavještenju i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 20.06.2017. godine pod brojem 06-03-532-02/33/17 uz koji je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun.

Obzirom da je Rješenjem broj 06-03-288-04/13/17 od 24.04.2017. godine, kojim je izdata Dozvola za rad (licenca) za trgovinu na veliko naftnim derivatima osim LPG-om broj 06-03-288/13/17 utvrđena i obaveza plaćanja regulatorne naknade u periodu važenja dozvole za rad (licence), a kako se u periodu iz tačke 1. ovog rješenja navedena Dozvola za rad (licenca) neće koristiti za obavljanje energetske djelatnosti trgovina na veliko naftnim derivatima osim LPG-om, imaocu dozvole obračunata je regulatorna naknada za period važenja u 2017. godini, odnosno za period od 24.04.2017. godine do 03.07.2017.godine, te ista iznosi 958,90 KM.

Na osnovu obrade Zahtjeva za oduzimanje dozvole za rad (licence) podnosioca „BRKIĆ PETROL“ d.o.o. Zenica i dokumentacije priložene uz zahtjev, FERK je u skladu sa članom 37. stav (2) i članom 43. stav (1) tačka d) Pravilnika za izdavanje dozvola – licenci, odlučio kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Mile Srdanović s.r.**